

隆昌縣志卷三十二

隱逸

大易載占肥遯風詩致咏考槃廟廊之外別有風猷泉石之中亦多樂地士各有志難相強也隆自終南熊耳邈迤而來山光遠映鶯水潈洄固應有騷人逸士如騰龍杜梁者幽棲其間則夫獨往之概振衣千仞岡濯足萬里流是又可爲俗腸鍼砭也志隱逸

明郭良翰號元圃邑諸生有隱德蕭閒自適於世味

隆昌縣志

卷三十二

隱逸

一

泊然無所好遇佳山水輒瓢笠徜徉累月忘返宗伯朱之蕃仰其高致爲賦元圃謠達人曠世馳大觀御風直上崑崙巔四海帶縈九坏土西偏突兀出元圃嵐光咫尺通峩峩片月孤飛鶴馭隨五雲凝秀瑤芝茁玉函金簡琅玕扎茹英披笈叩元文巖巒紫翠屯氤氳流霞共酌偕仙侶翩翩濁界成軒舉仙郎飛鳥朝紫宸龍章焜耀稱榮親冠裳霞翟聊隨俗鳳雛表瑞栖鴻鵠濟世應貽出世安餐芝峩峩恣盤桓天池濯影巢珠樹共羨垂雲振羽

翰

杜 梁性醇謹家貧好學居近城市足跡不履公
廷恂恂若處子家居授徒膺歲薦盡心教誨不計
脩脯不樂仕進及門成就者多年七十餘無疾而
終